



01/3

SEKTOR ZA CARINE

17.06.16.

Drena

F

Broj: 03/2- 18-2-1197-1 /16
Banja Luka, 16.06. 2016. godine

REGIONALNI CENTAR SARAJEVO
CARINSKA ISPOSTAVA AERODROM SARAJEVO

Predmet: Prijava prtljaga pristiglog odvojeno od putnika, odgovor, dostavlja se

Putem Odsjeka za carinske poslove Regionalnog centra Sarajevo, Carinska ispostava Aerodrom Sarajevo zatražila je od Sektora za carine stav u vezi postupanja sa prtljagom koji je pristigao odvojeno od putnika u međunarodnom vazdušnom saobraćaju.

U vezi navedenog ukazujemo na sljedeće:

Operator aerodroma i operator vazduhoplova dužni su osigurati kontinuirani nadzor prtljaga od trenutka predaje do trenutka njegovog preuzimanja od strane putnika ili od njega ovlašćenog lica, osim u vremenu kada je taj prtljag u neposrednoj odgovornosti carinskog organa ili pod njegovim neposrednim nadzorom.

Svaki registrovani prtljag se prilikom predaje označava naljepnicom (tag) koja na sebi ima oznaku destinacije, kao i poseban prtljažni broj ili kod koji se koristi za potragu u slučaju gubitka prtljaga, a preko koga se mogu provjeriti podaci o njegovom vlasniku i itinereru (putnom pravcu).

Ako registrovani prtljag ne stigne letom kojim je stigao njegov vlasnik, putnik se, sa avionskom kartom i naljepnicom za registrovani prtljag, odmah treba obratiti, tj. prijaviti gubitak prtljaga Službi nadležnoj za traganje nedostajućeg (izgubljenog) prtljaga ("Lost and Found"), organizovanoj u skladu sa Konvencijom o međunarodnom civilnom vazduhoplovstvu (ICAO) na aerodromu za međunarodni saobraćaj. Potraga za izgubljenim prtljagom pripada aerodromskim službama.

Služba nadležna za traganje nedostajućeg (izgubljenog) prtljaga, po prijavi izgubljenog prtljaga, putniku izdaje "zapisnik o neprispijeću prtljaga" (koji, sadrži informacije o veličini, obliku i sadržaju kofera kao i kontakt podatke putnika). Bez tog zapisnika svaka dalja komunikacija sa kompanijom ili aerodromskom službom nije moguća, zapisnik je praktično lična karta prtljaga određenog putnika.

Registrovani prtljag koji je pristigao odvojeno od vlasnika (putnika), operator vazduhoplova ili aerodroma ili zastupnik iz člana 5. Zakona o carinskoj politici Bosne i Hercegovine, dužan je, shodno članu 37. navedenog zakona, podnijeti carinskom organu na aerodromu, odmah nakon slijetanja vazduhoplova sa međunarodnog leta kojim je prtljag pristigao i iskrcaja prtljaga.

Za prijavu pristiglog prtljaga, radi transparentnijeg postupka, može se koristiti obrazac "Prijava prtljaga pristiglog odvojeno od putnika", koji vam dostavljamo u prilogu ovog akta.

Prtljag koji je u međunarodnom vazdušnom saobraćaju pristigao odvojeno od putnika, od momenta njegove prijave carinskom organu isti je pod carinskim nadzorom do uručenja putniku, vraćanja u inostranstvo, odnosno do sprovođenja odgovarajućeg carinskog postupka, do kada se nalazi u odobrenom privremenom smještaju u prostoru službe traganja/operatora aerodroma koji je, od strane nadležnog carinskog organa, odobren kao prostor za privremeni smještaj u skladu sa carinskim propisima.

Carinski postupak sa prtljagom pristiglim odvojeno od putnika je hitan.

Obrazac Prijava prtljaga pristiglog odvojeno od putnika objaviće se na internet stranici UIO.

Dostaviti:

1. Naslovu
2. RC svim-Odsjek za carinske poslove
3. Odsjek za carinske postupke
4. Odjeljenju 01/3
5. a/a

